



Inatsisartunut ilaasortaq Randi Vestergaard Evaldsen, Demokraatit
Inatsisartut Allattoqarfiat
-/maani

**§ 37 naapertorlugu namminersorlutik oqartussat ingerlatseqatigiiffiutaasa
Grønlands Erhverv-imi ilaasortaanerat pillugu apeqquteqaammut nr. 097-mut
akissut.**

20-04-2015
Suliap nr 2015-114201
All. normua 1926586

Asasara Randi Vestergaard Evaldsen.

Postboks 101
3900 Nuuk
Oqarasuaat (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

Inatsisartut Suleriaasianni § 37 naapertorlugu Naalakkersuisunut namminersorlutik oqartussat ingerlatseqatigiiffiutaasa Grønlands Erhverv-imi (GE) ilaasortaanerat pillugu arlalinnik apeqquteqarputit. Apeqqutit uannut akineqartussanngortinneqarsimapput.

Apeqqutigineqartunut akissutikka ataani tulleriarlutik allassimapput.

1. Naalakkersuisut Tele Greenland A/S-mut imaluunniit namminersorlutik oqartussat suliffeqarfiutaannut allanut oqaatiginikuuaa GE-mut (GA-jusimasumut) ilaasortaajunnaassasut imaluunniit ilaasortaajunnaarnissartik eqqarsaatigissagaat?

Tele Greenland A/S GE-mit ilaasortaajunnaaqullugu ilaasortaajunnaarniarluniluunniit eqqarsaatigeqqullugu, Naalakkersuisunut ilaasortat imaluunniit Namminersorlutik Oqartussat sinnerlugit namminersorlutik oqartussat ingerlatseqatigiiffiunut atassuteqaataasup Naalakkersuisut allaffeqarfiata akisussaasusup taamatut nalunaarfigisimaneraat ilisimangilara.

Isumaga malillugu pingaarnertut tunngavigisaq pingaarluinnartoq tassaavoq, piginnittut, siulersuisut ingerlatseqatigiiffinnilu ulluinnarni ingerlatsisut atassuteqaqatigiinneranni aalajangiisussat assigiinngitsut akornanni inatsisitigut akisussaasutsip piginnaatitaanerullu agguataarsimanerata ataqqineqarnissaa. Tassunga atatillugu isumaqarpunga, soorlu suliffeqarfiit kattuffiunut imaluunniit soqutigisaqatigiit kattuffiunut GE-tut ittut ilaasortaanermut apeqqut ingerlatsinermi suliassaasoq, ingerlatseqatigiiffiup isummerfigisariaqagaa, Naalakkersuisut suliassarinnisaat.

2. Taamatut oqarneq ingerlatseqatigiiffimmu/ingerlaseqatigiiffinnut qanoq apuunneqarnikuua?

Apeqqut 1-mut akissutigat takulaaruk.

3. Taamatut oqartoqarsimappat - pisortatigoortumik pisortatiguunngitsumilluunniit - sukumiissumik pissutaasut nassuiaqquneqarput?

Apeqqut 1-mut akissutigat takulaaruk.

4. Taamatut oqarneq - ingerlatseqatigiiffiit ataatsimeersuarneranni pisimangippat - taava tamanna akuleruttussaataainganermut naapertuuppa?

Apeqqut 1-mut akissutigita takulaaruk.

Naalackersuisut suliamut tunngatillugu allanik pingaarutilinnik oqaasissaqarpat?

Namminersorlutik oqartussat ingerlatseqatigiiffiutaasa naalagaaffimmut nunallu assigiinngitsut akornanni assigiinnik suliaqarfiit imaluunniit soqutigisaqatigiiffiit kattuffiit ilaasortaanissaat pillugu nalinginnaasumik politikki suliarineqarnikuunngilaq, tamannalu pitsaasumik ingerlatseqatigiiffimmik pitsaasumik aqutsinermut najoqqutarineqartumut naapertuulluarsinnaavoq. Kisianni apeqqummi aalajangersimasumi apeqqummut 1-mut akissuteqaatinni GE-mut namminersorlutik oqartussat ingerlatseqatigiiffiutaat ilaasortaajunnaaqullugit ilaasortaajunnaarniarlutilluunniit eqqarsaatigeqqullugu kaammattussallugit tamanna kukkunerusoq isumaqartunga takuneqarsinnaavoq.

Neriuppunga apeqqutigineqartunut akissutikka naammaginartissagitiit.

Inussiarnersumik inuulluaqqusillunga



Kim Kielsen